

Golf amal kumpul dana dermasiswa alumni NUS

SATU acara golf amal untuk mengumpul derma bagi dana Dermasiswa Alumni Fakulti Sastera dan Sains Sosial (FASS) Universiti Nasional Singapura (NUS) akan diadakan pada 15 Mac tahun depan.

Kesemua wang yang dikumpulkan di acara golf amal sempena ulang tahun ke-90 FASS 2019 itu, akan disalurkan kepada dana itu bagi menghulurkan bantuan kepada penuntut yang menghadapi masalah kewangan.

Ia bakal diadakan di Sentosa Golf Club.

Tetamu terhormat di acara itu ialah Menteri Kanan Emeritus Goh Chok Tong, yang meraih Ijazah Sarjana Muda Sastera Ekonomi dengan kepujian kelas pertama daripada Universiti Singapura (kini NUS) ketika itu pada 1964.

Terdapat beberapa pakej derma bagi acara itu.

Misalnya, kategori penderma emas yang menderma \$4,000 boleh menyertai satu kumpulan dalam pertandingan golf itu dan menerima undangan jamuan

malam bagi empat orang.

Sebagai pengiktirafan bagi setiap hadiah wang tunai bernilai \$25,000 atau lebih, NUS mungkin menawarkan peluang penamaan, iaitu penamaan satu anugerah dermasiswa, yang akan berkuat kuasa apabila dana itu mencapai \$250,000.

Mereka yang tidak bermain golf atau tidak dapat menyertai acara itu juga boleh menyumbang melalui pendermaan wang tunai atau dengan menaja tempat duduk bagi rakan dan alumni untuk jamuan malam acara itu di NUSS Kent Ridge Guild House.

Mereka yang ingin menderma bagi acara itu boleh memuat turun borang dari laman <http://www.fas.nus.edu.sg/charitygolf>.

Sumbangan derma boleh dibuat melalui cek atau kad kredit.

Bagi pendaftaran atau maklumat lanjut tentang sumbangan derma dan acara itu, orang ramai boleh melungsuri laman <http://www.fas.nus.edu.sg/charitygolf>.